

瀘谿縣志卷三

形勢

李觀論地宜說邑絕大江數百里與閩粵爲腹背人居名山水閒花草禽魚日變時異欲追騷人校江山醜好

舊志崇崖深谷重岡複嶺察坑巖石聳其南花山大覺峙其東出雲玉馬倚其北邊山葛嶺障其西中橫瀘水縈回清澈

王之屏建縣申文過石口十里源爲廟嶺峭壁中夾田澗總三府之路會入瀘谿

魏文演險要圖說北郭嵌谿而門隔岸平步山臨流而立逍遙峯峙其上游橫亘若長城

瀘谿縣志

卷三

形勢

潘元勳游出雲峯記出雲峯去邑兩舍許孤峭插天湖東郡邑多發源於此誠巨鎮也

彭建修雲林記蒼崖翠壁閒厠隱顯水清而駛其靈氣常鍾於人

石文器縣志序山川綢繆谿澗縈回

呂應元秀水溝記瀘陽疊嶂帷列縈水帶環

鄧可權桐步橋記瀘地僻處一隅環四面皆峻嶺急流郭子章郡邑表說縣去郡最遠隔界於新城金谿東接閩之光澤

山川

五鳳山在縣城東南二十里發脈於光澤之大禾山歷圓

岱抵瀘境爲縣治祖龍高張磅礴有回翔千仞之勢  
筆架山在縣城東北十五里尖巒秀峙並插雲端環向邑  
城爲文峯

平步山在縣城北一里許俯臨瀘水眺望稱勝建縣時有  
雙鶴飛鳴山頂三日郡守王之屏建亭其上名曰來鶴亭  
石馬山在縣城南一里許

蓮花山在縣城南九里

方家山在縣城南十里有谿谿口有天冠石上有龍潭由  
山口抵潭道有硯石馬跡石潭側有淨水碗石銅筮石角  
丘世傳方巫所遺

金竺山在縣城東一里許有菴

瀘谿縣志

卷三

山川

二

上沸山在縣城東一里

南華山在縣城東十五里上有菴

塔山在縣城東十五里

魚山在縣城西一里許

普濟山在縣城西一里許山下有潭

登高山在縣城東北一里許

日月山在縣城西二里

古寨山在縣城北半里

炭山在縣城北十里

駝頭山在一都昂頭張喙形似橐駝

雲林山在縣西北六十里按通志雲林山在金谿縣東四

十五里峯埭數百仞界撫信建昌三郡上有峯三十六最  
高者爲出雲峯旁一峯爲玉馬元危素雲林圖記雲林山  
錄大庾嶺歷贛建昌之南境至榭嶺入邵武之光澤有山  
高千二百丈漢初徐仲仙遇仙之所至烏佩山仙人烏君  
上升時委玉佩處過大河山小河山即大禾山委蛇而走  
南城達於金谿之境古未置瀘谿所稱南地即今瀘谿地其高上摩霄漢者  
三十六峯其中峯最高者曰石碓即出雲峯其左曰白馬又名  
玉馬以其形似也金谿志雲林高十五里周回八十里峯  
律排空屹爲巨鎮界建廣二郡之境其脈自南城來與貴  
谿仙巖龍虎琵琶諸峯相接脊有三十六峯最高者爲出  
雲上有潭舊傳龍居之禱雨輒應又有白馬峯亦曰玉馬

亦三十六峯之一據此則雲林綿亘近百里背瀘面金凡  
縣西北界金谿諸峯皆雲林也舊志載出雲峯白馬峯而  
不載雲林山是舉其一支而遺其全體矣邑人盧諤有記  
辨之列新增藝文

金山在二都有五雲菴相近爲五里山

靈姑山在三都舊志作雲姑山上有菴

陳雲山在三都

長山在三都李山甫故居在焉

芙蓉山在四都又有裏山山有觀

岐山在七都

南山舊山在八都

大旭山在縣城西南六十里山勢最高日出即見故名自  
山麓至巔竟日方達望可數百里宋時避神宗諱改名大  
竺有大竺菴

長慶山在九都極高峻下有興梵寺相近有雲谿山

都谿山在十都絲亘數里與雲谿角立相近有寶應山前  
有真如寺尖刀山

魚鱗山在十都有潭極清澈深不可測有龍居之潭側有  
龍王廟

中華山在十一都上有三仙殿相近有東山

福源山在十二都有寺又有藍田山陳子野隱居處

上山在十三都山極峻前昂中凹與金谿接界

饒山在十六都有寺寇燬

九龍峯在縣城西北五里支山九道蜿蜒奔會於此上有  
菴鄧姓建

妙高峯在縣城北五里上有大士菴安谿傅氏建今圯

金鷲峯在縣城北八里極險峻其上寬衍可坐數百人嘉  
靖壬子流寇結寨於此舊有菴今圯

仙獅峯在縣城東十里有菴黃一宗建

雙螺峯在縣城東北十五里

石筍峯在縣城東二十里

逍遙峯在縣城東二十里與閩省接界望之如樓閣故又  
名逍遙樓

紫雲峯在縣城南二十五里有菴林一宗建

右一山特起為鞋尖嶮為縣治龍脈之祖

萬靈峯在縣城南二十里有菴林一宗建

鼓樓峯在縣城東十八里有菴

銅斗峯在縣城東北十里有覺林寺

雙尖峯在一都

船嶺峯在一都有菴滿谿瑞谿龔姓建西賊燬

出雲峯在二都為雲林第一峯又數里為上洋峯有三仙殿

玉馬峯一名白馬峯在二都為雲林三十六峯之一絕嶺有龍潭下有瑞相寺

星映峯在四都一名嵩山

蔓蘿峯在六都有八仙石石紋縱橫若方罫相傳有仙人對奕於此

雙蛾峯在六都

黃雀峯在七都相近有琵琶峯鸞頭峯

昌映峯在八都有三仙觀瀘洲孫氏建

雞鳴峯在九都

芙蓉峯在十都勢甚聳拔上有三仙像

蓮花峯在十一都嶺村有神農廟

西華峯在十四都有菴

三十六峯在十五都又名六六峯

篁竹峯在十六都

養老峯在十六都山嶺高峻爲下鄉要路邑令白潔委正子雋林欽士募貲建菴雍正七年燬

銀屏峯在十六都有菴

查藍嶺在縣城南五里

長興嶺在縣城南十里

神嶺在縣城北四里

馬頭嶺在縣城北五里

雋嶺在縣城北五里以工鐫獨力開修得名乾隆十五年萬大春於嶺左麓別除新道建亭其上乾隆乙巳大雹亭毀

蔡家嶺在一都

紙錢嶺在二都

上元嶺在二都

箬嶺在二都

谿南嶺在三都

黃土嶺在三都

佛塔嶺在三都嶺勢高峻橫亘抵金谿要道又有輕空嶺距溫泉半里許層石磊砢道小如羊腸人履其上如鳴鉦然

三台嶺在六都高嶺在六都劉姓邨後闢數里地名各異北至炭嶺黃茅源界連金谿明季劉萬載買於官給印照

馬鞭嶺在七都

安畬嶺在八都

石斛嶺在九都上有將軍廟鄭廷柱糾眾捐糧一石零歲

施茶以飲行人

鄧台英林臚傳于亨富丁時宜徐必顯九捷元鳳田數俱列入石碑咸豐十

一年寇燬同治七年僧開雲募費重建

長嶺在十都延袤二十餘里

旗坑嶺在十三都

葛嶺在十四都

牛路嶺在十五都

獅子嶺自麻地窠蝦蟆石燈籠窠仁峯嶺江家嘴至飛鳳岡入都樞木而止萬曆某年金谿李松二十七訟爭之經

瀘谿縣志

卷三 山川

巡撫部院斷歸瀘谿案存縣

司古嶺在十都西南與南城分界上有江一宗施茶亭咸

豐七年築望樓于側以防粵匪今圯

將軍嶺在十都西南南城連界上有亭亭側聶黃鄭鄉同姓建有將軍殿

大覺巖在縣東三十里山皆巨石高可百仞廣數百丈中空洞軒朗分而為三若三堂然前臨絕壁後有小徑可通光澤昔閩寇張自盛嘯聚於此左有石筍孤懸十餘丈右嵌石結禪關由穴孔入諸峯下繞嶽崎險怪莫可名狀有遊僧刊木除道架屋巖中牕櫺四達極為壯麗傳丹峯嘗同弟讀書於此後圯距數里有小覺巖下俱有龍潭禱雨

輒應

燕子巖在一都

風巖雷公巖電母巖俱在出雲峯腰三巖並列每風雨雷電初從巖內微起遂徧四方巖旁有小竇無數常出雲氣若線須臾布滿峯巒

南風巖在四都

龍馬巖在六都宋李淵却元聘退居讀易其閒有龍馬山房

高石巖在十六都爲邑要路險仄難行康熙時工子雋鑿平之架石梁以濟往來

棋盤石在縣城南五里何家山方正如几左右有二石榻

瀘谿縣志

卷三 山川

八

古藤繞覆人多避暑其下

朱崖石在縣東二十里苔蘚斑駁映日鮮明旁有猪牙石又名石筍如擎柱插天數十里外舉目可見

欄馬石在縣城西北十里

頭巾石一在高阜一在櫛木

交椅石在一都

磕石在二都兩石相擠下開上合路從中過

牛耳石在四都法水寺左田中形似石復似木或鑿驗之痕經時卽合如故中有竅清泉涌出名牛耳泉

鼓石在四都高廣四尺許形似鼓欹側石灘中腰有痕若繫繩狀



猪婆石在六都

鯉魚石在七都

和尚石在十都有印形如小沙彌

將軍石在十三都屹立谿邊有顧盼自雄之狀

雙魚石在十三都姚坊近南城界

紗帽石在十六都

女子石在十都距桐埠里許石上平坦有小圓井側孔出泉春夏常盈至冬而涸其崖有女人足跡十餘處長二寸深寸許纖銳天成儼然仙姝履印

瀘谿發源光澤老鴉坑出黃石口至石陂入雙港口北遶縣治抵三谿而出高阜流入貴谿汝口砦

瀘谿縣志

卷三 山川

九

規谿在縣東十里發源大覺巖至沙苑與瀘水合

稅谿在一都發源自斗源至高阜與瀘水合

龍谿在五都發源高陂由龔家灘至樨木入金谿獅谿可容小舟出石門抵汝川谿頭山水佳勝宋李山甫居此號

龍谿釣叟

官谿在七都

暘谿在七都

潘谿在八都

三谿在十六都瀘水與南港水及沈錢坑水匯於禁潭灣下初居渡

巖槎港在一都發源二都石倉由雙港過霧濃合高阜水

大港在八都

嶺村港在十一都有二澗一發源魚鱗山一發源都谿合諸小水於茂林由桐阜歷南城察坑至峭石會新城河彭田港在十三都發源雙畚至石峽會雲谿水由圳上會大源水出水口會姚坊茶谿水過珀玕遶曲澗至龔家灘合龍谿水

焦澗在縣東八里一名椒澗

曲澗在八都野東北有水自珀玕至歐家橋其流甚曲兩山夾之故名孫奎有記

大石潭在縣北三里淵靜縈回深窅映月澄輝照人

普濟潭在縣南十里方家山有龍居之李唐時勅封善濟

瀘谿縣志

卷三 山川

十

王

鵞公潭鴨公潭俱在二都出雲峯石壁四立名曰石倉從穴門入內有二潭相傳老龍潛焉

魚鱗山潭在十都見上魚鱗山

美女潭在十五都篁竹峯下

禁潭在十六都三谿

酒泉在縣東八里椒澗其泉作酒香

溫泉在四都一名湯泉又名洪水禪林之左昔人砌石爲方池廣袤四尺許淺深疏洩任人消息四時水温嚴寒尤熱遠近就浴池中池有魚自溫泉中生育取置冷水立斃靈泉在六都東源廟泉穴如足形傳爲神跡一名聖泉

龍井在二都東坑自然觀中舊名龍仙觀觀側有合湖湖  
與井通有龍居焉歲久湖漸淤惟龍井尚存  
靈井在出雲峯絕嶺泉極甘千人飲之不竭

魚塘井在一都四圍皆石深不可測

淨水井在九都龍田里左魚鱗山龍潭下相傳孽龍子幻  
一少年由普仁寺入魚鱗山許真君追之經此處遺淨水  
盞土人就其處掘井得泉湧出色瑩澈釀酒味勝他處卽  
歲大旱汲之愈不竭瀝田數十頃

喻家亭井在十都柏田亭側有泉一泓四時清澈往來者  
勺取以飲煩慮俱消時稱爲冷泉亭云

龍泉井在十都海螺嶼之麓水極香冽土人每汲以釀酒

瀘谿縣志

卷三 山川

十一

水利

瀘水自黃石口入境西流三十里北折而東由初居渡至  
高阜高雲塔復折而北出貴溪之饒橋又四十里至汝口  
砦石峽險峻勢若建瓴舟楫莫能上乾隆時進士傅彤募  
貲開鑿會難作事半而止道光元年邑令吳喬年集紳士  
捐貲重開接任王所舉唐尙倬繼其成始通小艇

陳公堤在城外東北一里值甚雨瀘水急注北城懼爲城  
患知縣陳王廷自其上築堤一百六十丈以捍之使水勢  
得沿西而下名曰陳公堤後被洪水衝塌知縣楊登訓發  
民夫挑北岸沙石填南岸欲其水復故道不爲城害勢稍  
殺但無大石巨木以障狂瀾近自東來者直趨城下勢如

箭激亟宜未雨綢繆

瀘洲古陂在南城五十四都白玕沙洲濶三畝六分圳長百五十餘丈灌瀘谿八都田三百餘畝明嘉靖癸卯里人孫鏜有修圳記碑暨瀘洲邨頭

石陂在縣東隅濶一畝灌田六頃其陂上可通渡立有渡庵咸豐十一年陂被賊毀谷不登者數載後量田斂貲修復

山畚陂在城西二里廣二畝灌田二頃十畝同治五年大水冲塌秋谷不登冬時斂貲修復

郭公陂在縣西隅四里濶三畝灌田三十畝

沙桐上下二陂在縣北五里上陂濶一畝灌田二頃十畝

瀘谿縣志

卷三 水利

十三

下陂濶一畝灌田三頃二十畝

巖陂在縣南隅濶七畝灌田三頃

冷水窟在縣北隅土名高山排濶二畝灌田二頃

段公陂在縣北隅椒濶

溝洫陂在一都土名橫谿伏子圳濶六畝灌田二頃

楊林陂在一都土名樟林陂濶一畝一分灌田一頃二十

畝

殺豬潭陂在一都

臺山陂在二都霧濃濶一畝灌田二頃一十畝由圈墘達關門口高阜街心古額大圳曾異撰異求捐田九石贍陂傅家陂在二都土名馬鞍濶一畝灌田八十畝

石隱陂在二都澗一畝灌田八十五畝

張林陂在二都澗五分灌田三十畝

泥陂在二都澗五畝灌田八百畝

背陰陂在二都背陰排澗五分灌田十畝

永定陂在二都橋頭灣村後溉田二百畝

夏家陂在二都蜈蚣源溉田三十畝一在三都

夏家陂在三都澗五分灌田二十五畝

桂家陂在三都程家邊澗一畝五分灌田八十五畝

官陂在三都赤境橋澗一畝灌田六十三畝

黃蛇陂在三都河洋

桐車陂在三都谿南嶺

傅家陂在三都泔水

楓樹陂在三都泔水

湯家陂在三都

高陂在四都高風源澗一畝灌田五頃

廟前陂在四都澗一畝灌田一頃

倉前嶺堰在四都水達鳳山灌田數百畝

陳家陂在四都杜藍

庵前陂在四都杜藍

永濟陂在五都潘谿

油嶺水窟在五都灌田二十畝

傅家陂在五都莊上澗一畝灌田九十五畝

江家陂在六都犁田澗六分灌田五畝

白鱸陂在六都東源澗二畝灌田一十三頃

謝家陂在六都灌田數百畝

祠堂陂在六都犁田阪

高陂在七都官谿澗八畝灌田七頃

周陂在七都官谿灌堰坪洲田一頃六十畝

上黃陂在七都石排澗五畝灌田一頃

澗頭陂在八都小港澗四畝灌田一頃七十畝

大港陂在八都小港澗三畝灌田一頃二十畝

里墓陂在八都澗一畝灌田十畝

王家陂在八都潘坊灌南山田數百畝東至樞募水口山

南至南山陂西至金谿二十九都車前驀層石北至高嶺

倒耙山官源

北山陂在九都上圳澗五分灌田十畝

周家陂在九都上洋澗一丈五尺灌田一頃十五畝

中州堰在十都灌田數十畝有圳會不廢

挑水渡陂在十都馬頭上程饒宅前灌至焦灣田可百畝

桐埠陂一名吳家陂在十都密潭灣向僅灌田十餘畝後

於于家山及官山下鑿石圳數丈餘亦砌石成之灌至桐

埠街頭田可數十畝每修造議上四下六

魚鱗陂在十一都禾坪澗一畝灌田一頃二十畝

磨陂在十一都前港

天井陂在十一都道光五年增陂開圳灌田甚廣

社林陂在十二都濶一畝灌田一項四十畝

同車陂在十二都葛坪濶一畝灌田五十畝

何家陂在十三都何家邊濶一畝五分灌田一項

楊公陂在十三都茶谿口外灌糧田數十畝

官陂在十四都黃沙坑濶五分灌田五十畝

水碓陂在十四都譚家邊濶一畝灌田五十畝

橫沙陂在十四都譚姓築建

夏家陂在十五都磔下濶一畝灌田一項三畝

陽家陂在十五都潯江正濶一畝灌田一項

鶴巢陂在十六都濶三分灌田三十畝

鹽谿縣志

卷三 津渡

五

津渡

接龍橋在縣城北門外爲城鄉要津初架木爲之天啟元年知縣王德純募建石柱事未半以艱去署篆通判張兆曾相石柱不固易爲石墩知縣李辰繼之工始竣石文器有記後毀乾隆九年邑人林仲彩同僧定修等捐貲倡建石甃於下流至十四年工垂成值暴漲復毀仲彩後捐貲拾原石於上流砌二墩以待繼者後遂架木橋以渡嘉慶十七年知縣楊朝位捐錢一百千典史章泰捐錢一十千會集城鄉首事募貲鳩工建石墩七座高二丈廣二丈長二十六丈搭以木板十九年署任朱俛以罰錢覆瓦屋高一丈濶一丈五尺兩頭俱有店屋先是堪輿家謂縣脈繇

茲飛渡當建橋以接之明邑令李辰署爲接龍橋今仍其名嘉慶二十二年邑令徐清選以三都雲水庵改建橋側以護橋名爲雲龍庵咸豐八年撫建平光邑賊將出鐵牛關官兵防堵紮營橋北不戒於火僅存石墩十年知縣黃來晨隨漕收經費仍舊興修未畢十一年賊踞城所購木料盡析爲薪同治元年邑令孫瑞徵募石匠就原墩捲瓮旋以寇至停二三年大水沖沒石墩二座工益鉅六年邑令劉獻葵邀集紳董召募石工諭各都共派捐費四千零串隨漕收經費式千四百串又殷戶寺產及罰鍰式千零串由是功成閱十六月告竣長式拾五丈高丈八尺濶丈五尺捲瓮六橋沿押以石條橋心甃磚亭以祀水神橋頭

造店屋三間爲守者宅量補店租每年助水神香燭之費北門橋在北關口因接龍石橋圯架木爲之每造輒被大水沖沒嘉慶二十四年傅遴之妻卍氏購石砌爲小墩架木板於上水漲則拽落則復架俗呼爲利濟橋同治元年毛儀捐錢式十千加造渡船春夏用渡秋冬架橋永福石橋在司前乾隆四十二年傅作霖建下二座傅錦聯募建

鸛巢橋在西門外

黃潭石橋一傳鴻猷建一眾姓捐建

普濟橋在南門外二里許爲往郡要路邑人林欽士建名連城橋後圯林栳林可權盧振國等募僧定修重建更今



名橋前有碑亭林廷鳳黃宜範糾建曰接官亭

郭公陂橋在南門外三里許道光七年丁亥眾姓捐貲改造石甕

椒谿橋在東隅五里今廢

朱崖石甕橋在南隅嘉慶二十二年傅氏士民重建

來福橋在南隅梘溪鳳翔里向架木板屢修屢圯同治二年吳敏修吳翰糾首四方捐貲新捲石甕

廣濟橋在一都會漸建

嚴澤橋在一都會參元大興等倡建

永濟橋在一都瑞谿

赤境橋在三都爲李泰伯故里橋圯後彭壽山等募重建

承先橋在二都銅谿呂道彭重修

普濟橋在三都港口嘉慶十八年癸酉監生彭履中妻何氏建

福德橋在三都葉源鄧殿立吳皇錫林欽士募建有偃蓋亭後圯港口彭先民重建

鴻恩橋在三都隔水

六壽橋在三都下莒洲鄧江城鼎建

高陂橋在四都朱介復糾建盧石二姓復造

嵩溪石橋在四都嵩市上街計一盞石壁次李念功吳雲等創建又下街石橋二盞卽世勳張芳榮等倡捐建造

萬福橋在五都石光銓等倡捐重建

盤溪橋在五都盤石村向架木橋同治八年上山石月生  
獨捐錢四百千文改建石橋

鯉魚橋在七都會繼東建

貴家橋在七都賜谿

馬家橋在七都

歐家橋在八都孫奎有記

瀘洲橋在八都上游爲金南瀘三邑要津瀘洲孫氏建常  
年抽撥祭產派工營辦

橫山橋在九都盧宗臣偕姪心照倡捐募建

天虹橋在九都茂林

真如橋在十都

瀘谿縣志

卷三

津渡

六

潺陂橋在十都

迴龍橋在十都于家邊嘉慶四年于朝聘等募捐改造

桐阜橋在十都魏光選盧宗臣鄧敦復于藹倡捐募建後

圯復建歲有山田店屋存項以備修費

百田石甕橋在十都乾隆四十九年甲辰徐孚中勸捐重  
建

萬安橋在十都洲上入閩要路陳錦才朱敬榮募建

永福橋在十都王坊下捲石甕上砌磚亭吳天中買田爲  
施茶費

交坑口橋坑水滙處潘東來捐貲以亂石捲一小甕

貽芳橋在十一都有二一架屋一石甕

草坪橋在十一都以地名有二俱架木爲之上橋往郡婁  
津俗名狐窟下橋往閩界要津俗名鷺公道光年間狐窟  
橋丁姓募貲改捲石瓮

楊公橋在十二都正德時南城知縣楊清建後圯丁四可  
建木橋復燬僧雪松杲煌同丁傅魏黃盧周募貲另建石  
甕有茶庵

接仙橋魏元龍捐金四十同族眾重修

濟美橋在十二都陳坊魏子良建

雙港橋在十三都宋必萬建舊志作鄧智余建

茶谿橋在十三都

延壽石橋在十三都茶谿口外姚宗榮建

礫上石橋在十三都同治己巳八年洪水冲塌當經合都  
捐貲重建

小谿橋在十三都同治八年亦被洪水冲塌合都重建

丁字橋在十四都南城令苗蕃有詩

葛坪橋在十五都往郡要津魏以仁等倡建乾隆丙戌增  
修上建瓦屋道光二年七月洪水衝圯至道光十七年增  
生陳觀瀾募貲捲三石瓮計費叁千餘串後不敷用賣己  
田貽塾 楊憲獎以匾額並贈七絕詩一首頌之

長谿橋在十五都

振龍橋在十五都丁家嘴有接龍廟

龍門橋在十五都雙谿村外

新橋在十五都雙谿村內

白沙橋在十六都三谿爲下鄉往來要津秋冬架木橋春夏水漲以船渡正一鶴等建有橋庵彭龔同募有田贍橋永濟渡在一都瑞谿曾輝先曾捷先曾及人等倡建并置贍渡田秋冬水落架木橋春夏用渡

石陂渡在城東五里沙苑往閩省光澤縣要津林子元捐田五秤傅班聯捐田四秤贍渡嘉慶五年林俊英左服英募建渡庵

黃潭渡在東隅沙苑

通福渡在高阜曾子凡曾蒂賓曾省三募建并置贍渡田歐陽鐸有記後改名萬年渡雍正八年建庵道光九年重

瀘谿縣志

卷三 津渡

二十

修渡廢架利濟木橋

里募渡在八都盧允中捐贍渡田

潘谿渡在八都

洪潭渡在八都大港塔前胥懷吾胥瑞卿孫仲明孫福明倡捐并建庵施田

便濟渡在十六都三谿原名樂善正子雋捐造雍正九年正彭龔三姓募建今更名便濟并建庵置田秋冬仍架木橋正維敘有記嘉慶己巳沖沒正一鶴同彭龔二姓募貲改建先後捐田立有碑記

初谿渡在十六都瀘水匯流於此春夏非舟莫濟原設有官渡後奉裁建造無常資雍正六年劉楊傅止毛張各姓

同鏡山寺僧聯會置田一畝六分雍正九年林聖符施田一畝八分零僧無學捐田四畝乾隆十四年林濬文同無學復捐貲建渡庵於窰口名曰濟川延僧住持承司其事施庵地者正興發助貲者傅勝章劉定祥十五年楊公燦捐祠上眾儲銀五兩助庵場秀芳施田三秤贍渡秋冬水涸仍架木橋  
防守

瀘谿東界十二里係花山界與光澤縣所轄之黃石口毗連兵防未可疏也考南城舊志宋設撫建都巡寨於瀘谿以都巡檢使備閩寇廖恩明巡檢司弓兵四十名瀘志舊有楓林鎮地非無兵萬厯年間縣治初分規制未定

國朝順治十八年撥建昌營分防外委首領一員兵丁四十名乾隆十九年奉裁三名汛屬設花山界羊頭隘陸路塘汛各一座每座各撥兵丁三名餘駐扎城中縣設民壯十名馬快八名同爲防範

設外委把總一員餉銀二十四兩俸銀十八兩馬乾銀十二兩

馬戰兵均駐郡城

步戰兵每名給銀十八兩

守兵每名給銀十二兩

字識一名給銀十二兩

兵米每名三百六斗

汛兵餉米由建昌營按月散給餉銀由營赴布政使司衙門請發營中照額包封汛官赴營親領按季支放會同文員監散按數出結

乾隆四年奉

旨恩加兵丁凡祖父母及本身吉凶給銀四兩妻故給銀三兩子女嫁娶賞銀二兩

原有砲位二座一座存縣署一座存汛署

汛存鳥鎗二十桿其操兵火藥鉛彈由汛官具文向守備衙門領發隨領隨發

汛兵弓箭俱由管發如有損壞繳舊換新

盔甲三十六具俱存營庫

瀘谿縣志

卷三 防守

三

號衣三十六件現俱鮮潔如有破壞稟營更換

花山界羊頭隘兩處塘房各有銅鑼一面四眼銃各一把營房守卡

羊頭隘塘屋一所三閒牌樓一座烟墩三座桅一座瞭樓一座每月初三日汛弁帶兵與閩省光澤汛在孔坑會哨花山界塘屋一所三閒牌樓一座烟墩三座桅一座瞭樓一座每月二十六日汛弁帶兵與閩省光澤汛在鐵牛關會哨

卡樓卡房共五所俱乾隆五十六年設建

椒谿卡樓在縣東十里派委文武員弁巡商一名巡丁二十名營兵二十名鹽快十名駐守巡緝

朱崖卡舖在縣東南十五里撥兵十名鹽快三名駐守巡緝

陳坊卡舖在縣西二十里撥兵十名鹽快三名駐守巡緝  
藻坪卡舖在縣西南三十里撥兵十二名鹽快六名駐守巡緝

貓兒嶺卡舖在縣西北八十里撥兵三名鹽快三名駐守巡緝嘉慶二十四年奉文裁去

### 武事

明嘉靖壬子流徒百餘人於縣治八里外金鷲峯負嶠結寨肆行剽掠官兵追之始散

四十一年秋山寇突經斬源草坪陳坊等處大掠官兵追瀘谿縣志 卷三 防守 之三  
之敗散

崇正五年粵寇剽掠五邑軍營教師黃振屢禦退

十一年鉛山妖寇張普徵掠縣三都張家山夏桂廿一父子久附徵教縣令陳愷延武進士李大開督石曾二姓鄉兵勦滅正月廿九日普徵糾合黨與爲夏報仇曾湖一村受禍最慘二月初三日焚一都高阜破瀘谿燬官舍焚民宇十一都貽芳丁其功以鄉勇禦賊於郡南城之小竺古角嶺力竭而死賊隨犯府治至新橋官兵敗之乃散  
國朝順治二年瀘地山寇盤踞挾餉民無安居十一月招降始靖

五年金聲桓王得仁據省叛土賊竊發民廬盡燬

六年寇復發

八年草寇張自盛踞大覺巖聚黨數百擄掠近地男婦逃散當事上聞發兵蕩平之

九年山寇盤踞貴谿朗港與土弁關通掠及瀘民魏定化為議以狀上邑令李卽龍轉上之巡道李嘉猷發兵征朗港禽土弁誅之

十二年山寇復發官兵捕之降瀘民始獲安堵

康熙十三年閩寇蹂躪百姓流離徐有功仗義捍禦全活甚眾而田地俱荒十五年官兵復瀘地至十七年漸平

十七年寇賊江機楊一豹等嘯聚廣信銅山鐵山流瀘肆虐復潛貴谿閔坑數犯瀘地焚殺擄掠十八年官兵進剿

瀘谿縣志

卷三 武事

二四

江機逃聚光澤嘉禾楊一豹逃聚光澤山頭犄角爲寇荼毒新城瀘谿二境將軍提兵禽獲乃靖

嘉慶二十年閩匪李老五結無賴往來新城瀘谿將謀不軌生員林元英丁敬童生丁紹本聞信得實密稟於官縣令朱俛當卽拿獲匪黨數人申聞大吏大吏具奏奉

旨嚴加辦理先後緝獲餘黨結案官紳俱蒙

恩獎

咸豐同治年間粵匪蔓延往來無定另有被寇記一篇附新增藝文例內以備查考

瀘谿縣避寇之所山畚若在縣西里許彭郎若與閩接界嶺邨若在縣西南四十里山谷深密修亘幽險宋末吳楚



材起義兵於此鷲峯岩在縣西北八里河陽岩在三都西  
洋岩在十都鄒家岩在十三都大覺巖在縣東四十里嶽  
崎險峻上有石覆出成巖巖如虛堂宏敞可容數百人

### 舖遞

瀘邑僻處山陬不當通衢向止有差馬三匹馬夫一人歲  
給工料銀共六十八兩四錢遇閏加銀三兩六錢雍正六  
年奉文裁革其工料銀兩與原額水驛紅座等船水手工  
食修造工料共銀一百兩遇閏加銀五兩一分並四年奉  
文裁解之走遞差夫四名共工食銀四十三兩二錢遇閏  
加銀三兩六錢均統於地丁銀一體批解藩庫兌收惟西  
南路達府孔道原設舖司兵一十三名分舖六處縣前爲

總舖司兵三人二十里爲河洋舖兵二人二十里爲佛嶺  
舖兵二人二十里爲丁字橋舖兵二人二十里爲鄧坊舖  
兵二人二十里南城界爲橫板舖兵二人遞南城舖兵送  
府歲給工食銀共七十兩二錢今仍舊